

“YEAR OF JOINT” ATAU “TAHUN KETUMBUKAN BERSAMA” HALA TUJU ATM 2019

airforce.mil.my/berita/acara-rasmi/4310-year-of-joint-atau-tahun-ketumbukan-bersama-hala-tuju-atm-2019



KUALA LUMPUR, 4 Jan 19 – Panglima Angkatan Tentera, Jeneral Tan Sri Dato’ Seri Panglima Haji Zulkifli bin Haji Zainal Abidin telah menyampaikan Amanat beliau bagi tahun 2019 yang berlangsung di Auditorium Wisma Pertahanan hari ini.

Amanat Panglima Angkatan Tentera yang bertemakan “Year of Joint” atau “Tahun Ketumbukan Bersama” dizahirkan dengan tujuan untuk memberi gambaran, panduan dan rujukan kepada semua perkhidmatan berkenaan hala tuju ATM bagi tahun 2019.

Konsep ketumbukan bersama berkait rapat dengan ‘interoperability’ antara ketiga-tiga perkhidmatan iaitu Tentera Darat Malaysia (TDM), Tentera Laut Diraja Malaysia (TLDM) dan Tentera Udara Diraja Malaysia (TUDM). Enam elemen utama ditekankan dalam amanat tersebut iaitu Kesatuan, Angkatan Berintegriti, Kekal Relevan dan Tekal Seiring Masa, Angkatan Eksklusif, Kebajikan dan Pengukuhan Diplomasi Pertahanan.



Di majlis yang berasingan, Panglima Angkatan Tentera, Panglima-panglima Perkhidmatan serta wakil dari Telekom Malaysia (TM) Unifi telah bersama-sama merasmikan pelancaran Pek Jasa ATM yang menawarkan pakej istimewa kepada warga ATM dalam menghargai jasa pengorbanan perwira ATM.